

- प्रधानमंत्री नरेंद्र मोदी कयो-आत्मनिर्भर अर विकसित भारत खातिर सरकार प्रतिबद्ध-असम समेत पूर्वोत्तर रे विकास खातिर संकल्प रे साथै काम कर्यो जा रयो हैं
- राष्ट्रीय हिन्दी दिवस माथे आज न्यारी-न्यारी जागरूकता गतिविधियां राखीजी-जयपुर मांय डॉ. उपमुख्यमंत्री प्रेमचंद बैरवा दिया राज्यस्तरीय हिन्दी सेवा पुरस्कारं
- जयपुर रा चाकसू रे कने अंडरपास नाळा मांय कार गिरणे सूं दो पिरवारां रे 7 जणां री मौतं
- प्रदेशभर मांय 69वीं जिलास्तरीय खेलकूद होड़ रो विधिवत शुभारम्भ-एशिया कप क्रिकेट टी-ट्वेंटी टूर्नामेन्ट मांय भारत-पाकिस्तान रे बीचे आज रात दुबई मांय मुकाबलो व्हेलां

0000

प्रधानमंत्री नरेंद्र मोदी कयो है कि अत्मनिर्भर भारत अर विकसित भारत खातिर वांणी सरकार प्रतिबद्ध है अर समूचे देश साथे पूर्वोत्तर रे विकास खातिर संकल्प रे साथै काम कर्यो जा रहयो हैं आज असम रे गोळाघाट थापित नुमालीगढ़ रिफाइनरी प्लांट मांय बायो-एथेनॉल प्लांट रे उद्घाटन अर पॉलीप्रोपाइलीन प्लांट री आधारशिला रे पाछे राखी ज्यी जनसभा प्रधानमंत्री कयो कि असम ने सेमिकंडक्टर मिशन रे तौर माथे चुण्यो गयो हैं वणा कयो के मेक इन इंडिया रे लगस ने धरातल माथे उतारणे खातिर पूर्वोत्तर री महत्ती भूमिका हैं प्रधानमंत्री कयो कि वांणी सरकार नागरिक देवो भव री भावना रे साथे काम कर री हैं

पूर्वोत्तर मांय असम दौरे रे दूजे दिन प्रधानमंत्री इण सूं पैला दरांग जिळे रा मंगलदोई मांय 18 हजार 530 करोड़ रुपया सूं बत्ती रे बुनियादी ढांचा अर औद्योगिक विकास परियोजनावां रो उद्घाटन अर शिलान्यास कर्यो

000

आज राष्ट्रीय हिन्दी दिवस देश-प्रदेश मांय समारोहपूर्वक मनायो गयो राजभाषा हिन्दी रे प्रचार प्रसार अर दैनिक जीवन मांय इण रे बत्ती ऊं बत्ती उपयोग खातिर न्यारी-न्यारी जागरूकता गतिविधियां राखीजी हिन्दी दिवस माथे प्रधानमंत्री नरेंद्र मोदी देशवासियां ने शुभकामनावां देवता थकां कयो कि हिन्दी केवल संवाद रो माध्यम नीं है, आ देश री पहचान अर मूल्यां री जीवंत विरासत भी हैं सोशल मीडिया पोस्ट मांय श्री मोदी लोगां सूं अरज करी है कि वे हिन्दी साथै सगळी भारतीय भाषावां ने समृद्ध बणावे अर आं ने भावी पीढ़ी ताई पहुंचाणे रो संकल्प लेवें गृहमंत्री अमित शाह हिन्दी ने और आसान बणाणे अर इण रे साथे क्षेत्रीय भाषावां रे सह-अस्तित्व ने बधावो देने री अरज करी हैं गुजरात रा गांधीनगर मांय पाँचवां अखिल भारतीय राजभाषा सम्मेलन मांय श्री शाह लोगां सूं मातृभाषा रो सम्मान करता व्हीया हिंदी रो समर्थन करणे रो हेलो कर्यो वणा कयो कि केंद्र सरकार हिन्दी ने और बत्ती लोगां ताई पहुंचाणे खातिर सारथी मंच अर हिंदी शब्द सिंधु कोश री सुरुआत करी हैं श्री शाह कयो कि हिंदी ने विज्ञान, प्रौद्योगिकी, न्याय अर पुलिस री भाषा भी बणाणो व्हेलां

अठी ने हिन्दी दिवस माथे राज्य स्तरीय कार्यक्रम जयपुर मांय राख्यो गयो कार्यक्रम मांय उपमुख्यमंत्री डॉ. प्रेमचंद बैरवा हिन्दी री विविध विद्यावां अर साहित्य मांय लेखकां ने हिन्दी सेवा पुरस्कार प्रदान करयां जयपुर जिला कलेक्टर डॉ. जितेन्द्र सोनी ने वांणे यात्रा वृतांत खातिर पुरस्कार दियो गयो कार्यक्रम मांय इण बरस राजस्थान माध्यमिक शिक्षा बोर्ड री 10वीं अर 12वीं री परीक्षा मांय हिन्दी मांय सौ-फीसदी अंक लावण वाळा पढेसरियां ने भी पुरस्कृत कर्यो गयो इण मौके माथे आपरे सम्बोधन मांय डॉ. बैरवा कयो कि हिन्दी ने

राजभाषा सून जनजन री भाषा बणावण खातिर सगळा री जिम्मेदारी हें वणा अहलकारां सून दैनिक कामकाज हिन्दी मांय बत्ती ऊं बत्ती उपयोग करणे रो हेलो कर्यो हें हिन्दी दिवस माथे न्यारा न्यारा जिला मांय भी संगोष्ठियां अर होडा राखीजीं

000

जयपुर रा चाकसू मांय अंडरपास नाळा मांय कार गिरने सून सात जणां री मौत व्हेग्यीं पुलिस बतायो कि दुर्घटना बीती रात ने व्हीं पण इण रो पतो आज दिन मांय लाग्यो हादसे रा शिकार लोग हरिद्वार अस्थियां विसर्जन कर लौट रिया हां मृतक केकडी रा फुलियावास अर जयपुर रा वाटिका रा रेहवण वाळा हां इण मांय महिलावां अर टाबर भी भेळा हें पुलिस मामले री जांच कर री हें

000

लोकसभा अध्यक्ष ओम बिरला आज आंध्रप्रदेश रा तिरुपति शहर मांय दो दिवसीय महिला सशक्तिकरण माथे संसदीय अर विधायी समिति राष्ट्रीय सम्मेलन रो उद्घाटन कर्यो वणा इण मौके माथे एक प्रदर्शनी रो भी उद्घाटन कर्यो अर एक पुस्तिका जारी करीं इण राष्ट्रीय सम्मेलन मांय संसद, विधानसभावां अर विधान परिषदां री महिला सशक्तिकरण समितियां री अध्यक्ष अर सदस्य भेळी हुई हें

000

देवस्थान विभाग कानी ऊं वरिष्ठ नागरिक तीर्थयात्रा योजना रे तैत पाली सून आज विशेष ट्रेन हरिद्वार, अयोध्या खातिर रवाना हुई देवस्थान मंत्री जोराराम कुमावत गाडी ने हरी झंडी दिखाई आ गाडी पश्चिमी राजस्थान रा 8 जिलां रा पौने सात सौ वरिष्ठ नागरिकां ने ऋषिकेश, वाराणसी अर सारनाथ री सैर करावेलीं इण मौके माथे मंत्री कुमावत कयो कि इण बार निशुल्क यात्रा योजना रे तैत 56 हजार वरिष्ठ नागरिकां ने न्यारी न्यारी धार्मिक स्थलां री सैर करवाई जावेलीं

.....

000

सिरोही जिला मुख्यालय माथे आज महिला संवाद कार्यक्रम राखी ज्यों राजीविका री कानी सून राखी ज्या कार्यक्रम मांय राज्यमंत्री ओटाराम देवासी अर राजीविका री ब्रांड एम्बेसेडर रुमा देवी भी भेळी हुई मंत्री देवासी महिला समूहां सून सरकार री योजनावां रो बत्ती सून बत्ती लाभ उठाणे रो हेलो कर्यो हें वणा राजीविका अर दूजी संस्थावां अर संगठनां सून जुडी महिलावां ने आगे बधर परिवार रे साथे समाज अर देश ने सशक्त बणावण मांय योगदान देणे री अरज करी हें

000

राजस्थान पुलिस कांस्टेबल भर्ती परीक्षा दूजे अर आखिरी दिन आज दो पारियां मांय पूरी व्हीं दस हजार पदां खातिर राखी ज्यी इण परीक्षा खातिर कोई 5 लाख 24 हजार 740 उम्मीदवार आवेदन कर्यो हों कांस्टेबल भर्ती मांय कांस्टेबल सामान्य, चालक, बैड, पुलिस दूरसंचार अर हाल ही मांय गठित तीन महिला बटालियन अमृता देवी, कालीबाई अर पदमिनी देवी रा कांस्टेबल पद भेळा हें

000

प्रधानमंत्री नरेन्द्र मोदी रे जन्म दिवस 17 सितम्बर सून देशभर मांय राख्या जावण वाळा सेवा पखवाडा अभियान रे तैत प्रदेश भाजपा तैयारियां माथे जुटी हें 2 अक्टूबर ताई मनाया जावण वाळा पखवाडे ने लेर न्यारा-न्यारा जिलां मांय कार्यशालावां राखी जा री हें झुंझुनूं मांय राखी गई कार्यशाला मांय भाजपा री राष्ट्रीय मंत्री अलका गुर्जर स्थानीय विधायकां अर जनप्रतिनिधियां सून हेलो कर्यो कि वे सरकार री फ्लेगशिप योजनावां ने जनता ताई पहुंचाणे अर इण रा आयोजन मांय आमजन री भागीदारी पक्की करणे खातिर समग्र रूप सून काम करें वणा पखवाडा रे तैत होवण वाळा कार्यक्रमं री जाणकारी भी दीं

.....

000

प्रदेश रा न्यारा-न्यारा जिलां मांय आज 69वीं जिलास्तरीय खेलकूद होड रो आगाज व्हीयो 17 सितम्बर ताई चालणे वाळी इण होड रो सरकार रा आला मंत्री अर जिळा रा प्रभारी मंत्री उद्घाटन कर्यो अलवर

मांय केन्द्रीय मंत्री भूपेन्द्र यादव अर प्रदेश रा वन पर्यावरण राज्यमंत्री संजय शर्मा इंदिरा गांधी स्टेडियम मांय होड री सरूआत करीं बाडमेर रा राजकीय उच्च माध्यमिक विद्यालय गंगाला मांय उद्योग राज्यमंत्री के.के. विश्नोई प्रतियोगिता री सरूआत करीं पाली मांय पैली आळा मंत्री लक्ष्मीनारायण दवे वुशू अर ताइक्वांडो होड रो उद्घाटन कर्यों पाली रा सुमेरपुर मांय देवस्थान मंत्री जोराराम कुमावत कर्राटे होड रो उद्घाटन कियां डीग रा गुलपाडा महात्मागांधी स्कूल मांय गृह राज्यमंत्री जवाहर सिंह बेढम खिलाडियां रो उच्छास बधायों इणी तरह जयपुर मांय संसदीय कार्यमंत्री जोगाराम पटेल फिटकासनी उच्च माध्यमिक विद्यालय मांय 69वीं जिला स्तरीय विद्यालयी हॉकी खेल होड री सरूआत करीं

000

एशिया कप क्रिकेट टी-ट्वेंटी टूर्नामेंट मांय आज भारत अर पाकिस्तान री टीमां आमी-सामी व्हेलां ग्रुप-ए रो ओ मैच रात आठ बज्यां सूं दुबई मांय खेल्यो जावेलां इण बरस फरवरी रे पाछे अ दोन्यू टीमां पहली बार भिडेळीं

000

जीएसटी परिषद ने हाल ही मांय करया गया सुधारां रै तैत नागरिकां ने जीवन ने आसान बणावण खातिर केई खेतरां मांय कर दरां मांय कमी करीं आज, आपां स्वास्थ्य खेतर रा सुधारां माथै एक निजर डालां हां

.....

000